



Broj:02/a -11-739/23
Sarajevo, 16.02.2023. godine

Na osnovu Zakona o izvršavanju Budžeta Federacije Bosne i Hercegovine za 2023. godinu („Službene novine Federacije BiH”, broj: 6/23) i odobrenih sredstava u Budžetu za 2023. godinu na ekonomskom kodu 614200 – Tekući transferi pojedincima, potpredsjedavajući Doma naroda donosi:

ODLUKU

o planu i kriterijima korištenja sredstava tekućih transfera pojedincima za 2023. godinu

I

Ovom Odlukom uređuje se način raspodjele finansijskih sredstava utvrđenih Budžetom Federacije BiH za 2023. godinu („Službene novine Federacije BiH”, broj: 6/23) u dijelu koji se odnosi na Dom naroda Parlamenta Federacije BiH, ekonomski kod 614200-Tekući transferi pojedincima-potpredsjedavajući Doma naroda u iznosu 15.000,00 KM, te uslovi koje korisnici ovih sredstava moraju ispunjavati kao i način isplate sredstava.

II

Sredstva iz tačke I ove Odluke bit će korištena prema planu i kriterijima za:

1. Socijalno ugrožene osobe,
2. Potrebe liječenja,
3. Učešće u humanitarnim akcijama,
4. Povratnike i raseljena lica,
5. Učenike i studente,
6. Sportiste, naučne i kulturne radnike.

III

O prioritetima raspodjele sredstava iz tačke I ove Odluke, kao i visini pojedinačnih iznosa odlučuje potpredsjedavajući Doma naroda u skladu sa članom 6. Zakona o izvršavanju Budžeta za 2023. godinu („Službene novine Federacije BiH”, broj: 6/23).

IV

Potrebna dokumentacija za dodjelu sredstava za:

- **Socijalno ugrožene osobe:** zahtjev/molba za dodjelu sredstava, kopija lične karte, potvrda o tekućem računu ili kopija bankovne kartice podnosioca, kućna lista.
- **Potrebe liječenja:** zahtjev/molba za dodjelu sredstava, kopija lične karte, medicinska dokumentacija, potvrda o tekućem računu ili kopija bankovne kartice podnosioca.
- **Učešće u humanitarnim akcijama:** zahtjev/molba za dodjelu sredstava, kopija lične karte, potvrda o podacima o tekućem računu, namjenski otvorenom u svrhe određene humanitarne akcije.
- **Povratnike i raseljena lica:** zahtjev/molba za dodjelu sredstava, kopija lične karte, potvrda o tekućem računu ili kopija bankovne kartice podnosioca, dokaz da je lice povratnik/ica ili raseljeno lice, kućna lista.
- **Učenike i studente:** zahtjev/molba za dodjelu sredstava, dokaz o statusu (učenik, student), kopija lične karte ili drugi identifikacioni dokument, kopija izvoda iz matične knjige rođenih za maloljetna lica, kućna lista, potvrda o tekućem računu ili kopija bankovne kartice podnosioca.
- **Sportiste, naučne i kulturne radnike:** zahtjev/molba za dodjelu sredstava, kopija lične karte, potvrda o tekućem računu ili kopija bankovne kartice podnosioca.

V

Odobrena sredstva doznačavaju se na žiro – račun korisnika/ce sredstava.

VI

Za realizaciju ove Odluke zadužuje se Sekretar Doma naroda Parlamenta Federacije BiH.

VII

Odluka stupa na snagu danom donošenja, a bit će primjenjivana do kraja budžetske 2023. godine.

Dostavljeno:

- Kabinet potpredsjedavajućeg Doma naroda,
- Sekretar Doma naroda,
- Računovodstvo,
- a/a.

**POTPREDSJEDAVAJUĆI
DOMA NARODA**

Izen Hajdarević
Izen Hajdarević